

**Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)**

**i**

**PENNY plus d.o.o. Sarajevo, Igmanska bb, Vogošća-Sarajevo, ID broj: 4200162210002, koga zastupa direktor Almedin Kadrić (u daljem tekstu: Dobavljač)**

**zaključili su:**

## **UGOVOR O NABAVCI MATERIJALA ZA IZGRADNJU UPADNE PROSTORIJE**

### **Član 1.**

Predmet ovog ugovora je nabavka materijala za izgradnju upadne prostorije za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu odluke broj 02-11-4-2932/21 od 04.06.2021. godine.

### **Član 2.**

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača broj: 21-0100-003576 od 14.06.2021. godine i na osnovu koje je i sačinjen ovaj ugovor.

Ponuda Dobavljača broj 21-0100-003576 od 14.06.2021. godine je sastavni dio ovog ugovora.

### **Član 3.**

Ukupna vrijednost predmetne nabavke iznosi do 2.920,19 (dvijehiljadedevetstotinadvadeset i 19/100) KM bez PDV-a.

Ukupna vrijednost predmetne nabavke iznosi do 3.416,62 (trihiljadečetiristotinešesnaest i 62/100) KM sa PDV-om.

Cijena i ostali elementi ovog ugovora se ne mogu mijenjati.

### **Član 4.**

Dobavljač se obavezuje da će robu iz člana 1. ovog ugovora isporučiti najkasnije u roku od 25 (dvadesetpet) dana od dana prijema narudžbenice, na adresu Ugovornog organa, Jedinica za specijalističku podršku, Nahorevska bb, 71000 Sarajevo.

Sve troškove isporuke do primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime izvršene nabavke iz člana 1. i 2. ovog ugovora.

### **Član 5.**

Prilikom isporuke robe koja je predmet ovog ugovora, Dobavljač je dužan dostaviti otpremnicu za isporučene robe (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). U zapisnik se unosi količina isporučene robe te evidentiraju mogući vidljivi nedostaci na istoj.

#### Član 6.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Dobavljač se obavezuje priznati reklamaciju na kvantitet i kvalitet isporučene robe, koja će biti praćena zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

Roba će se smatrati uredno isporučenom kada u zapisniku o prijemu bude konstatovano "isporuka i prijem izvršeni bez primjedbi".

#### Član 7.

Plaćanje za isporučenu robu će se vršiti u roku od 30 (trideset) dana od dana uredne isporuke robe i dostavljanja fakture, na tekući račun Dobavljača.

#### Član 8.

Ukoliko Ugovorni organ ocijeni da isporučena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

#### Član 9.

Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

#### Član 10.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

#### Član 11.

Ovaj ugovor je zaključen, kada isti potpišu obje ugovorne strane i traje do uredne realizacije ugovorenih obaveza ugovornih strana, a najduže do 31.12.2021. godine.

#### Član 12.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

**DOBAVLJAČ**  
**PENNY plus d.o.o. Sarajevo**

\_\_\_\_\_  
direktor Almedin Kadrić

Broj: PPS EIP-38459/2021  
Datum: 28.6.2021

**UGOVORNI ORGAN**  
**MUP KANTONA SARAJEVO**  
**UPRAVA POLICIJE**

\_\_\_\_\_  
**POLICIJSKI KOMESAR**  
Generalni inspektor policije  
Nusret Selimović

Broj: 02-11-4-2932-4/21  
Datum: 23.06.2021. godine